

Powšitkowne WOZJEWJENJA

njedźelu, 16. junija 2024

Zhromadny nyšpor na swjedženju swjateho Bena

Składnostnje 500. rónicy, zo buchu relikwije swjateho Bena w Mišnje k česći wołtarjow pozběhnjene, su wšitcy wěriwi ze serbskich wosadow na zhromadny swjedženski nyšpor do Radworja přeprošeni. Tón budže tutu njedźelu, 16. junija, w 14.00 hodź. w tamnišej wosadneje cyrkwi. Spěwarjo 1. serbskeje kulturneje brigady jón wobrubja. W Božim domje budže tohorunja postawa swjateho Bena stać, kiž drje Radworskej wosadze słuša, ale kotraž ma jako požconka swoje městno w priwatnej kapałce Drježdžansko-Mišnjanskeho biskopa. Žony a holcy su přeprošene, so narodnu drastu woblec. Nyšporej přizamknjetej so swačina a bjesada.

Kapałnicy wuhotuja koncert w Chrósćicach

We wobłuku swojeje lětnjeje koncertneje jězby k zakónčenju šulskeho lěta budu Drježdžanscy kapałnicy pónđzlu, 17. junija, w 19.00 hodź. duchowny koncert w Chrósćanskej cyrkwi swjateju Symana a Judy wuhotować. Wšitcy su wutrobnje přeprošeni.

Modlenje rózowca w Róžeńće

Na modlenje swjateho rózowca a před Najswjećišim su wěriwi sobotu, 22. junija, we 18.00 hodź. do Róžeńčanskeje hnadowneje cyrkwy přeprošeni. Pačerje budu serbsce a němsce spěwane.

Lětni koncert

Chór Meja přeproša wšitkich zajimcow na swój lětni koncert na zahrodze při farskej cyrkwi, kotryž budže njedźelu, 23. junija. Započatk je z nyšporom w 15.00 hodź. Přizamknjetej so swačina a koncert, w kotrymž powjedu zynki připosłucharjow spěwajo po Łužicy.

Putniska Boža mša w Hejnicach

Na swjedžensku Božu mšu składnostnje patronata tamnišeje putniskeje cyrkwy Marije wopytanja su wěriwi njedźelu, 30. junija, do českich Hejnic přeprošeni. Kemše započnu so w 10.00 hodź.

Rozžohnowanski koncert w klóštrje

Wosebity pišćelowy koncert wuhotuje serbski organist a komponist Feliks Brojer njedźelu, 30. junija, w 16.00 hodź. w klóšterskej cyrkwi w Pančicach-Kukowje. Zaklinča jeničce kompozicije młodeho cyrkwinskeho hudźbnika. Wšitcy zajimcy su wutrobnje přeprošeni. Nowych hudźbných a dželowych čezišćow dla přečehnje hudźbnik do Münstera, hdžež hižo prawidłownje skutkuje. Z koncertom chce so z Łužicu rozžohnować, kaž sam piše.

Serbske kemše w Drježdžanach

Na maćernorěčnu Božu mšu z fararjom Gabrišom Nawku su Drježdžanscy Serbja njedźelu, 30. junija, w 16.00 hodź. do cyrkwy swjateho Antonija w Drježdžanach-Löbtauwe na Bünauskej 10 prošeni. Kemšam přizamknje so bjesada.

Klášterski a swójbny swjedzeń w Pančicach-Kukowje

Klášterski a swójbny swjedzeń Budyskeho wokrjesa budže njedželu, 23. junija, w kláštrje Marijinej hwězdze w Pančicach-Kukowje. Zhorjelski biskop Wolfgang Ipolt swjeći w 10.30 hodž. w tamnišej cyrkwi swjedžensku Božu mšu. Wot 13.00 do 17.00 hodž. scěhuja pisany kulturny program kaž tež regionalne a přirodowe wiki. Swjedzeń zakónča z ekumeniskim nyšporom w 17.30 hodž. w klášterskej cyrkwi.

Na swójbne popołdno do Smochćic

Smochčanske kubłanišćo swjateho Bena přeprošuje tež lětsa na swójbnu njedželu. Wona budže na swjedženju swjateho Bena njedželu, 16. junija, wot 10.30 do 15.00 hodž. Po swójbnych kemšach wočakuje hosći zaso pisany jewišćowy program, mjez druhim z hudźbu, serbskimi rejemi, klankodźiwadłom, džěćacym cirkusom Krabatino, džěłarničku za bubnowanje, ze skakanskim hrodom kaž tež jězbami z korejtu. Wo čelne derjeměće budže postarane. Zastup je darmotny.

Pytaja pomocnu hladarku abo pomocneho hladarja

Dom swjateje Ludmile w Chrósćicach poskića džěłowe městno pomocneje hladarki abo pomocneho hladarja starych ludźi. Wone hodži so hnydom wobsadzić. Džěło płaći so po tarifowych rjadowanjach Carity. Požadanja přijimuju z póštu abo z mejlku na hl-stl@caritas-ddm.de. Nadrobniše informacije poda nawodnica Mónica Wencłowa, telefonowe čisło (03 57 96) 94 73 30.

Měšniska swjećizna diakona Fabiana Rječki

Jezuit Fabian Rječka, pochadźacy z Kulowa a tuchwilu w Kolumbiskej studowacy, budže sobotu, 22. junija, w 11.00 hodž. w cyrkwi swjateho Maćija, 10821 Berlin-Schöneberg, Winterfeldtplatz, na měšnika wuswjećeny. Swoju primicu swjeći wón nazajtra, njedželu, 23. junija, w 9.00 hodž. w Kulowje. W 14.00 hodž. budže nyšpor z primicnym požohnowanjom. Dale wudžěli nowoměšnik primicne požohnowanje w Róžeńće wutoru, 25. junija, na kóncu Božeje mše, kotraž zahaji so we 18.00 hodž., kaž tež njedželu, 30. junija po dopołdnišich kemšach w Ralbicach a po kemšach w 10.30 hodž. w Rakecach.

Wulět dekanatneje młodžiny

Wulět dekanatneje młodžiny budže sobotu, 24. awgusta. Přeprošeni su młodostni wot přichodneho 9. lětnika kaž tež młodzi dorosceni. Přizjewjenja přijimuju hač do srjedy, 7. awgusta, na internetowej stronje Worklečanskeho dekanatneho dušepastyrstwa za młodžinu. Link je pod www.posol.de podaty.

Z busom do Krupki

Na putniku Božu mšu srjedu, 24. julija, w 10.00 hodž. w Krupce pojedže zaso bus. Štóž chcył sobu jěć, měł so w Radworskim Šmitec wozydłownistwje přizjewić, telefonowe čisło (03 59 35) 28 60.

W Swjatym lěće diecezanske putnikowanje do Roma planowane

Drježdžansko-Mišnjanske biskopstwo přeprošuje wěriwych we wobłuku Swjateho lěta, trajace wot lětušeje patoržicy hač do 6. januara 2026, na diecezanske putnikowanje z biskopom Heinrichom Timmereversom do Roma. Wone wotměje so wot soboty do soboty, 11. do 18. oktobra 2025. Linkaj z nadrobnišimi informacijemi k putnikowanju kaž tež k přizjewjenju stej pod www.posol.de wozjewjenej. Za tych, kotřiž so hač do lětušeho 31. decembra přizjewja, je jězba potuńšena.